

四庫全書

史部

欽定四庫全書

史部

欽定續文獻通考卷一百九十八

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百九十八

經籍考

集 總集下 詩文評 詞曲

明

茅坤唐宋八大家文鈔一百六十四卷

坤見史類

孫槩世玉集選二卷

梗字汝良豐城人

臣等謹案梗是編次其先世詩文自明初國子監博士貞訖嘉靖中泰州知州樾凡二十有四人

陳恪小孤山詩集一卷

恪字克謹鄆縣人萬厯進士官宿松縣知縣

朱之蕃明百家詩選三十四卷

之蕃見別集類

朱萬鍾湛園雜咏一卷

萬鍾字友石一字仲詔宛平人萬厯進士官至太僕

寺卿

王思任百家論鈔十二卷

思任見子類

駱駟曾謫仙樓集三卷

駟曾字象先武康人萬厯進士官至監察御史

錢穀吳都文粹續集五十六卷補遺一卷

穀字叔寶長洲人

曹學佺石倉歷代詩選五百六卷 鳳山鄭氏詩選二卷

學佺見經類

胡震亨唐音戊籤二百一卷 閏餘六十四卷

震亨見史類

臣等謹案震亨撰唐音統籤凡一千二十七卷以

十千為紀卷帙浩繁均未鋟板其曾孫頴始以戊

籤刊行凡二百一卷皆晚唐人詩閏餘六十四卷

皆南唐吳越閩國之詩

何炯清源文獻十二卷

炯晉江人官靖江縣教諭

張邦翼嶺南獻三十二卷

邦翼蘄州人萬厯進士官至廣東提學副使

華國才文瑒清娛四十八卷

國才號鶴叟長洲人萬厯間舉人

湯紹祖續文選三十二卷

紹祖字公孟海鹽人東甌王湯和之裔

趙彥復梁國風雅二十七卷

彥復字微生杞縣人萬厯進士官至湖廣按察司副

使

傅振商緝玉錄五卷 蜀藻幽勝集四卷 四家詩選

四卷 古論元箸八卷

振商汝陽人萬厯進士

陳臣忠尺牘雋言十二卷

臣忠字景周莆田人萬厯進士官南京刑部郎中

楊瞿崧嶺南文獻補遺六卷

瞿崧見經類

蔣如莘幽風概一卷

如莘見史類

王志堅古文續編二十三卷 四六法海十二卷

志堅見史類

陳翼飛文儷十四卷

翼飛見別集類

陶珽四大家文選八卷

珽見子類

鍾惺譚元春詩歸五十一卷 明詩歸十卷補遺一卷

惺見經類元春見別集類

鍾惺周文歸二十卷 宋文歸二十卷 名媛詩歸三

十六卷

惺見經類

臣等謹案周文歸刪節三禮爾雅家語楚詞逸周

書共為一編刊削聖經其妄已甚宋文多樸實而惺以佻薄語評之其去取之不當更無論矣又名媛詩歸舊本題鍾惺編王士禎云坊間偽託之本然亦足見竟陵流弊

凌濛初合評選詩七卷 陶韋合集十八卷

濛初見經類

臣等謹案合評選詩乃全錄文選詩陶韋合集乃陶淵明韋應物二家詩也

李賓八代文鈔

無卷數

賓字烟客梁山人

徐燧晉安風雅十二卷

燧見詩集類

徐燧閩南唐雅十二卷

燧見史類

潘基慶古逸書三十卷

基慶字良邦松江人萬厯間貢生

顧錫疇秦漢鴻文二十五卷

錫疇見史類

邵一儒刪補六朝聲偶七卷

一儒字仲魯海陽人

蔡鵬蔡氏九賢全書九卷

鵬仕履無考元定十五世孫

臣等謹案是編自元定之父發及元定之子淵孫
摸等凡九人各載其遺詩而畧紀其生平梗槩惟

蔡發一卷皆形家言不應列之詩集

蕭自開奕世文集十六卷

自開萬安人由廕生官詹事府主簿

臣等謹案自開是編乃輯其先世蕭績蕭乾元蕭

暘蕭廩蕭中行五人之作

汪士賢漢魏名家

無卷數

士賢徽州人

臣等謹案是編所錄自漢董仲舒訖周庾信凡二

十二集

張文炎玉屑齋百家論鈔十二卷 經濟文鈔十一卷

文炎字維謙杭州人

臣等謹索百家論鈔取明一代之文泛論經史疑義者合為一編經濟文鈔為場屋對策而設

尚元齋三世詩十二卷

姚悅及其子究孫舜聰之詩悅字汝閭秀水人究字叔信號元岳山人均以布衣終舜聰字伯達官休寧

縣訓導

吳勉學唐樂府十八卷

勉學見子類

屠本峻情采編三十六卷

本峻見子類

汪廷訥文壇列俎十卷

廷訥字昌期號無我新都人

趙宦光寒山蔓草十卷

宦光見經類

俞安期啓雋類函一百九卷

安期見子類

陳繼儒古文品外錄十二卷 秦漢文贈五卷 古論

大觀四十卷

繼儒見史類

周珽唐詩選脈會通評林六十卷

珽字無瑕海寧人

馮有翼秦漢文鈔十二卷

有翼字君卿杭州人

黃道周葉廷秀董養河西曹秋思一卷

道周見經類廷秀字謙齋濮州人天啓進士官至兵部右侍郎養河見詩集類

陳仁錫古文奇賞二十二卷續奇賞三十四卷三續奇賞二十六卷 明文奇賞四十卷 古文彙編二百三十六卷

仁錫見經類

倪元璐秦漢文尤十二卷

元璐見經類

李國祥古今濡削選章四十卷

國祥字休徵南昌人天啓中官開封府同知

方岳貢國璋集六十一卷

岳貢字禹修穀城人天啓進士官至大學士

陳其慤經濟文輯二十三卷

其情字素心餘抗人

唐汝詢唐詩解五十卷

汝詢見別集類

臣等謹案汝詢五歲失明乃口授耳治博通羣籍

且能著書亦古所罕見者

唐汝諤古詩解二十四卷

汝諤見經類

李嗣京滕王閣續集十九卷

嗣京興化人崇禎進士官南昌府推官

阮元聲金華詩粹十二卷

元聲見史類

葛寓古文正集二編

無卷數

寓字端調吳縣人崇禎間舉人

梅鼎祚皇霸文紀十三卷 西漢文紀二十四卷 東

漢文紀三十二卷 西晉文紀二十卷 宋文紀十八卷

南齊文紀十卷 梁文紀十四卷 陳文紀八卷 北齊

文紀三卷

後周文紀八卷

隋文紀八卷

古樂苑

五十二卷

漢魏詩乘二十卷

宛雅十卷

釋文紀

四十五卷

書記洞銓一百十六卷

鼎祚見子類

葛徵奇南園五先生集二卷

徵奇字無奇號介龕海寧人崇禎進士官至光祿寺

少卿

臣等謹案是編即陳暹廣中五先生之本徵奇巡

撫廣東時又為之訂正重刊

張一卿古表選十二卷

一卿字次公自號求如居士里貫未詳

翰墨畧彙十卷

不著編輯者名氏

賦苑八卷

不著編輯者名氏

劉士鏐文致

無卷數

士麟杭州人崇禎進士

童養正史漢文統十五卷

養正字聖功會稽人

胡接輝三忠文選十六卷

接輝字篤父廬陵人官監察御史

臣等謹案是編選錄宋胡銓周必大文天祥之文
曰三忠者以銓諡忠簡必大諡文忠天祥諡忠烈
也

錢孺穀鍾祖述小瀛洲杜詩六卷

孺穀祖述皆海鹽人

成氏詩集五卷

大名成氏四世五人之詩成宰有適和堂初集宰之
子蓮有適和堂繼集蓮仲子仲龍有東壁園詩集蓮
李子少龍有鷓鴣園集仲龍子象珽有永言集

賀復徵文章辨體彙選七百八十卷

復徵字仲來丹陽人

江元禧玉臺文苑八卷 江元祚續玉臺文苑四卷

元禧元祚皆錢塘人

臣等謹案二書皆錄女子之文間多採取小說傳
奇失之猥雜

陸時雍古詩鏡三十六卷 唐詩鏡五十四卷

時雍字仲昭桐鄉人崇禎間貢生

閔齊華文選淪注三十卷

齊華烏程人崇禎中以歲貢官沙河縣知縣

張溥漢魏六朝一百三家集一百八十卷

溥見經類

張運泰余元燾漢魏名文乘

無卷數

運泰元燾皆閩中書賈

毛晉三家宮詞三卷 二家宮詞二卷 元四家詩二

十六卷

晉見經類

董斯張閔元衢韓千秋吳興藝文補四十八卷

欽定四庫全書

欽定續文獻通考

十三

斯張見史類元衢見子類千秋字聖開烏程人

陸雲龍十六名家小品三十二卷

雲龍字雨侯錢塘人

臣等謹索是編十六家乃屠隆徐渭李維楨董其

昌湯顯祖虞淳熙黃汝亨王思任袁守道文翔鳳

曹學佺陳繼儒袁中道陳仁錫鍾惺張萬也

施端教唐詩韻滙

無卷數

端教見史類

米文治文字會寶

無卷數

文治字簡叔錢塘人

顧祖武集古文英八卷

祖武字爾繩號纊塘無錫人

許鳴遠天台詩選五卷

鳴遠字有望天台人

施重光唐詩近體集韻三十卷

重光字慶徵里貫無考

凌宏憲唐詩廣選七卷

宏憲里貫無考

汪茂槐西園遺稿

無卷數

茂槐字廷植績溪人以歲貢授宜陽主簿

張應遴海虞文苑二十四卷

應遴字選卿常熟人

沈敕荆溪外紀二十五卷

敕字克寅宜興人

鄭文昂名媛彙詩二十卷

文昂爵里無考

董說漢饒歌發一卷

說見經類

吟堂博笑集五卷

不著編輯者名氏

臣等謹案是集以死節勸戒奇遇題詠寄情分為
五類皆隋唐以來閨閫之作

二十六家唐詩

無卷數

不著編輯者名氏

臣等謹案是集詩甚寥寥前後無序跋惟目錄後
題曰姑蘇吳時用書蓋明末書賈所集也

三蘇文粹七十卷

不著編輯者名氏

臣等謹案是集凡蘇洵文十一卷軾文三十二卷

轍文二十七卷

諸儒文要八卷

不著編輯者名氏

臣等謹案是輯所錄周子二程子張子朱子及陸九淵張栻楊簡陳獻章王守仁十家之文

釋祖浩齊山詩集七卷

祖浩與其徒道瑤同編二人皆弘治中齊山寺僧

臣等謹案齊山在池州貴池縣自唐杜牧齊山登高有詩後之游者題咏遂多祖浩彙輯成編

釋道忞獅子林紀勝二卷

臣等謹按元至正間天如禪師居寺中倪瓚為之
疊石成山勝流來往題詠至多道忞裒輯以成是
集

三僧詩三卷

臣等謹案三僧均不著其名一曰二楞詩稿一曰
高松詩稿一曰中峯詩稿考千頃堂書目有智觀
中峯草註曰字止先號蔚然江都僧雪浪弟子居

吳興雙髻峯其二僧無考

釋正勉普文性通古今禪藻集二十八卷

正勉字道可普文字理庵嘉興人性通字蘊輝應天
人

右總集

臣等謹案諸文之說典論為首繼之者則劉勰鍾
嶸也自唐以來評論之書日夥故唐書于集部之
末別立文史一門馬端臨通考因之今輯詩文評

彙為一編其有前人之集而後人為之評註者即以評註家時代為次如陶詩杜詩及韓柳集之類並從此例蓋原集已見焉考今續補以評註人為主既不得入之別集而所評註者又係一人專集不可入總集之內且通考文史一門即收入杜詩刊誤韓文辨証等書今倣是例而改其名為詩文評云

宋史藝文志文史類九十八部六百卷

按宋史不立詩文評類原有文

史一門此條

仍從其舊

遼金元三史不立藝文志散見各紀傳中

明史藝文志文史類四十八部二百六十卷

按明史亦有文史一

門併仍其舊

宋

魏泰臨漢隱居詩話一卷

泰字道輔襄陽人

陳亮歐陽文粹二十卷

亮見史類

臣等謹案馬考載歐陽修六一居士集一百五十
二卷附錄四卷年譜一卷今具存亮是編所選字
句頗有異同可資參訂以通考未載今著錄于此
吳旡儔古堂詩話一卷

旡字正仲滁州人中紹聖宏詞科靖康中官翰林承
旨

阮閱詩話總龜前集四十八卷後集五十卷

閱見詩集類

呂本中紫薇詩話一卷

本中見子類

張表臣珊瑚鉤詩話三卷

表臣字正民里貫無考官右承議郎通判常州軍州
事紹興中終于司農丞

洪邁容齋詩話六卷 容齋四六叢談一卷

邁字景盧鄱陽人皓季子紹興中博學宏詞科累官

煥章閣學士知紹興府致仕卒贈光祿大夫謚文敏
臣等謹案是編諸家皆不載惟文淵閣書目有之
今核其文蓋于容齋五筆內掇其論詩論四六之
語裒輯而成

林越少陵詩格一卷

越枯蒼人

臣等謹案越有漢雋十卷馬考已著錄又陳振孫
書錄解題稱枯蒼林越處州府志亦作林鉞此書

則作林越未知孰是

蔡傳歷代吟譜五卷

傳莆田人襄之子

唐庚子西文錄一卷

庚見史類

臣等謹案舊本題宋强行父撰凡三十五條皆述
所聞唐庚論文之語然考行父序稱宣和元年罷
官京師眉山唐先生同寓于城東景德僧舍云云

計是時庚戌九年矣安得同寓京師其序不足據也

吳可藏海詩話一卷

可見別集類

朱弁風月堂詩話二卷

弁字少章婺源人建炎初授修武郎借吉州團練副王倫使金通問

臣等謹案弁自序題庚申閏月考庚申為紹興十

年當金熙宗天眷三年并以建炎元年使金羈留
十九年乃還則在金時作也未有咸淳壬申月觀
道人跋稱得于永城朱伯玉家蓋北方所傳之本
故晁陳二家皆不著錄

張戒歲寒堂詩話二卷

戒正平人紹興中以薦授國子監丞仕至司農少卿
吟憲雜錄五十卷

臣等謹案是書舊題狀元陳應行編蓋依托之書

鄙俗殊甚

尤袤全唐詩話十卷

袤見別集類

臣等謹案周密齊東野語載賈似道所著諸書此居其一蓋似道假手廖瑩中而瑩中又剽竊塞責後人惡似道之姦改題袤名遂致偽書之中又增一偽撰人也

陳巖肖庚溪詩話二卷

嚴肖字子象金華人官至兵部侍郎

計有功唐詩紀事十一卷

有功字敏夫安仁人紹興中提舉兩浙西路常平茶

鹽公事

臣等謹案是集于唐一代詩人錄至一千一百五

十家詳其世系爵里唐人詩集不傳于世者多賴

是以存

周紫芝竹坡詩話一卷

紫芝字少隱宣城人紹興中登第歷官樞密院編修
右司知興國軍

臣等謹案周必大稱紫芝詩話首篇今本惟存八
十條缺佚尚多

陳騷文則二卷

騷字叔進台州臨海人紹興二十四年進士第一慶
元初官至樞密院使兼參知政事忤韓侂冑提舉洞
霄宮謚文簡

周必大二老堂詩話一卷

必大見史類

臣等謹案是編論詩之語凡四十六條原載平園集中後人摘出別行者也

楊萬里誠齋詩話一卷

萬里見楚辭類

王正德餘師錄四卷

正德爵里無考

臣等謹案是書輯前代論文之語自北齊迄宋而止自序稱紹熙四年蓋光宗時人

嚴羽滄浪詩話一卷

羽見詩集類

方嶽深雪偶談一卷

嶽字元善寧海人

魏慶之詩人玉屑二十卷

慶之字醇甫號菊莊建安人

臣等謹案是編前有淳祐甲辰黃昇序稱慶之有才而不屑科第惟種菊千叢日與騷人逸士觴咏于其間蓋亦宋末江湖一派也

集千家註杜詩二十卷

不著編輯者名氏

黃希補註杜詩三十六卷

希字夢得宜黃人登進士第官永新令

臣等謹案希註杜詩未竟而歿其子鶴續成之書

首原題補千家集註杜工部詩史蓋坊行原有千家註本鶴特因而廣之故以補註為名考鶴是書成于嘉定丙子故附于此

楊齊賢分類補注李太白集三十卷

齊賢字子見舂陵人

臣等謹案是編蓋齊賢集註而元蕭士贇所刪補者士贇字粹可寧都人宋辰州通判立等之子所著有詩評二十餘篇及冰厓集俱已久佚謹附誌

于此

史容山谷外集註七卷 史季溫山谷別集註二卷

容字公儀青衣人仕至太中大夫季溫字子威容之
孫舉進士寶祐中官秘書少監

臣等謹案任淵山谷內集註二十卷馬考已著錄
此外集為容所註別集為季溫所補

趙與峒娛書堂詩話一卷

與峒字威伯太祖十世孫

劉克莊後村詩話前集二卷後集二卷續集四卷新集
六卷

克莊見別集類

吳子良荆溪林下偶談四卷

子良字明輔臨海人寶慶進士官至太府少卿

臣等謹案此書皆其論詩評文之語所見頗多精
確舊本八卷今止四卷殆姚士粦所合併又曹溶
學海類編中摘其論詩之語為吳氏詩話二卷題

曰宋吳氏撰名字未詳今核其文即此書也

范晞文對牀夜語五卷

晞文字景文號約莊錢塘人咸淳中太學生

陳日華詩話一卷

日華見子類

蔡夢弼草堂詩話二卷

夢弼建安人仕履無考

臣等謹按夢弼嘗著杜甫草堂詩箋及此書今詩

箋久佚惟此書存皆論說杜甫之詩採自宋人詩話語錄文集說部而成者

文章精義一卷

舊題李耆卿撰耆卿里貫無考

臣等謹案焦竑經籍志有李塗文章精義二卷書名及撰人之姓均與此本合耆卿疑即塗之字云竹莊詩話二十四卷

不著撰人名氏

臣等謹案宋藝文志有何谿汶竹莊詩話二十七卷蓋即此書特卷數少異耳

周密浩然齋雅談三卷

密見史類

竹窓詩文辨正叢說四卷

臣等謹案舊題囂子編以書中所稱引觀之蓋南宋人

蔡正孫詩林廣記前集十卷後集十卷

正孫字粹然自號蒙齋野逸入元不仕

羅椅劉辰翁放翁詩選前集十卷後集八卷附別集一

卷

椅字子遠號澗谷廬陵人寶祐進士知信豐縣遷提

轄權貨辰翁見史類

吳正子劉辰翁箋註李長吉歌詩四卷外集一卷

正子里貫未詳辰翁見史類

方頤孫大學黼藻文章百段錦一卷

頤孫福州人理宗時為太學篤信齋長

答策秘訣一卷

臣等謹案舊本首題建安劉錦文叔簡編末有跋語稱相傳以為貢士曾堅子白之作則又非錦文所輯矣

魏仲舉五百家註音辨昌黎先生文集四十卷 五百
家註音辨柳先生文集二十二卷

仲舉見史類

增廣註釋音辨柳集四十二卷

臣等謹案是編舊題宋童宗說註釋張敦頤音辨
潘緯音義考宗說等本各自為書敦頤音辨馬考
已著錄宗說南城人始末未詳緯字仲寶雲間人
據乾道三年吳郡陸之淵序稱為乙丑甲科官廣
文蓋三人之書坊賈合為一編遂題是名故以附
之宋末

釋文瑩玉壺詩話一卷

文瑩字道溫錢塘僧住荊州金鑾寺

臣等謹案文瑩玉壺詩話十卷馬考已著錄今其書猶存此本為曹溶學海類編所載蓋書賈摘其有涉于詩者另為一卷也

元

方回文選顏鮑謝詩評四卷

回見子類

楊載詩法家數一卷

載見別集類

范德機木天禁語一卷 詩學禁轡一卷

德機見詩集類

陳繹曾文說一卷 文筌八卷附詩小譜二卷

繹曾字伯敷處州人寓居吳興至順中官國子監助教

臣等謹案文說因延祐復行科舉為程試之式而
作考經籍志載繹曾古今文式二卷蓋即此編今

本據四庫全書著錄文奎體例繁碎殊無精理詩
小譜據繹曾自序稱亡友石桓彥威所撰石桓里
貫無考

徐駿詩文軌範二卷

駿常熟人仕履無考

方深道老杜詩評五卷

深道晉江人官奉議郎知泉州

王構修辭鑑衡二卷

構字肯堂東平人官至翰林學士承旨謚文肅

趙仁舉吳師道許謙絳守居園池記註一卷

仁舉里貫未詳師道見史類謙見別集類

臣等謹案絳守居園池記乃唐樊宗師所著文辭
僻澁不可盡解此仁舉等先後所註而師道重加
刊定者

潘昂霄金石例十卷

昂霄見史類

臣等謹案昴霄是書述銘志之始又舉韓愈所撰碑誌以為括例且亦雜論文體以及史院凡例之類雖以金石例為名實不止于碑誌也

倪士毅作義要訣一卷

士毅見經類

陳秀民東坡文談錄一卷 東坡詩話三卷

秀民字庶子四明人初官常熟後為張士誠參軍歷浙江行中書省參知政事翰林學士

臣等謹案文談錄皆雜採諸家論蘇文之語詩話
皆雜採諸家之論蘇詩者內有徵引田汝成西湖
游覽志一條秀民元人何由見明著作蓋偽書也
張性杜律註二卷

性字伯成金谿人

臣等謹案是書舊題虞集撰今四庫全書據曹安
謫言長語李東陽懷麓堂詩話定為元進士張
性字伯成所著性時代無考故以附元人之末

明

單復讀杜愚得十八卷

復字陽元會稽人

臣等謹案黃虞稷千頃堂書目作嵯縣人洪武中
為漢陽河泊官又云一名復亨舉懷才抱德科授
漢陽知縣

瞿佑歸田詩話三卷

佑見子類

蔣冕瓊臺詩話二卷

冕見別集類

楊成玉詩話十卷

成玉爵里無考

王行墓銘舉例四卷

行見別集類

李東陽懷麓堂詩話一卷

東陽見史類

安磐頤山詩話二卷

磐字公石號頤山嘉定州人弘治進士官兵科給事

中

何孟春餘冬詩話三卷

孟春見史類

楊慎詩話補遺三卷

慎見經類

鄭穆南濠居士詩話一卷

穆見史類

單字菊坡叢話二十六卷

字字時泰號南坡臨川人正統進士官侯官縣知縣
臣等謹案是書采古今論文之語大旨欲配胡仔
之書故仍以叢話為名然采輯不及其博又仔書
多論文此書多記事仔書多考証此書但抄撮舊
文例亦小異

游潛夢蕉詩話二卷

潛見子類

陳霆渚山堂詩話三卷

霆見史類

徐泰詩談一卷

泰字子元海鹽人弘治間舉人官光澤縣知縣

朱承爵存餘堂詩話一卷

承爵見子類

王世貞全唐詩說一卷詩評一卷

世貞見史類

謝榛詩家直說二卷

榛見詩集類

李攀龍詩文原始一卷

攀龍見子類

王世懋藝圃擷餘一卷

世懋見史類

張綖杜詩通十六卷本義四卷

緹見詩集類

林兆珂李詩鈔述註十六卷 杜詩鈔述註十六卷

兆珂見經類

顏廷槩杜律意箋二卷

廷槩字範卿永春人官九江府通判終岷府左長史

趙統杜律意註二卷

統字伯一臨潼人嘉靖進士官戶部郎中

傅振商杜詩分類五卷

振商見總集類

顧起經類箋王右丞集十卷附文集四卷

起經字長濟無錫人嘉靖中以國子監生官廣東鹽課副使

王文祿文脈二卷

文祿見子類

郭雲鵬歐陽遺粹十卷

雲鵬爵里未詳

臣等謹案雲鵬自序以陳亮歐陽文粹所收太隘
乃為補錄然不及亮本之精

劉世偉過庭詩話二卷

世偉見子類

皇甫汸解頤新語八卷

汸見子類

梁橋冰川詩式十卷

橋字公濟號冰川子真定人由貢生授四川布政司

經歷

郭子章豫章詩話六卷

子章見經類

朱孟震玉筍詩談四卷

孟震見子類

黃洪憲玉堂日鈔二卷

洪憲見史類

康萬民璿璣圖詩讀法一卷

萬民字無沴武功人海之孫

朱宣塏詩心珠會八卷

宣塏字曰厚自號味一道人蜀獻王椿八世孫襲封

華陽王

鄧雲霄冷卻小言一卷

雲霄見詩集類

陳仁錫蘇文奇賞五十卷

仁錫見經類

周子文藝叢談宗六卷

子文字岐陽無錫人萬厯進士

張之象楚範六卷

之象見史類

李日華恬志堂詩話二卷

日華見史類

胡應麟詩藪十八卷

應麟見子類

唐元竑杜詩擣四卷

元竑字遠生烏程人萬厯間舉人明亡不食死

揚德周杜詩解八卷

德周見子類

陳與郊杜律註評二卷

與郊見經類

顧元慶夷白齋詩話一卷

元慶見史類

葉廷秀詩譚十卷

廷秀見別集類

黃文煥陶詩析義二卷

文煥見經類

陳繼儒佘山詩話三卷

繼儒見史類

陳懋仁藕花居士詩話二卷

懋仁見史類

茅元儀藝圃甲編五卷

元儀見史類

朱荃宰文通三十一卷

荃宰字咸一黃岡人

臣等謹案是書取古人文章流別及詩文格律一

一為之條析蓋欲仿劉勰文心雕龍而作其末詮

夢一篇酷摩勰之自序

王昌會詩話類編三十二卷

昌會字嘉侯上海人參議圻之孫

蔣一葵堯山堂偶雋七卷

一葵見子類

胡震亨唐音癸籤三十二卷

震亨見史類

臣等謹按是編乃震亨所撰唐音統籤之第十集也九集皆錄唐詩是編專錄詩話採擷頗富又曾溶學海類編載胡震亨唐詩談叢一卷蓋即摘是

編之談叢一門別立名目耳

陳雲式詩膾八卷

雲式字定之錢塘人

綠天耕舍燕鈔四卷

不著撰人名式

臣等謹案是編署曰雪疇子輯無可考

費經虞雅倫二十六卷

經虞字仲若新繁人

艷雪齋詩評二卷附詞曲評一卷

不著撰人名氏

臣等謹案是編自署曰石公無可考

明人文斷

無卷數

不著撰人名氏

右詩文評

臣等謹案馬端臨通考歌詞一門所收皆詞集也至王圻續通考則西廂記琵琶記之類並入其中

殊失體裁不知詞降而曲特為樂府之餘音祇可
採擇數種以備一格其他院本傳奇不容濫及今
酌取徃例採列詞曲二體特以種數寥寥不復區
類統按時代編次而曲附詞後仍稍分界畫焉又
如詞話詞譜詞韻以及顧曲雜言中原音韻等書
統歸文史既失限制另立一門又嫌繁瑣爰從四
庫全書之例即入詞曲類庶相為比附云

宋史藝文志不立詞曲類

遼金元三史不立藝文志散見各紀傳中

明史藝文志不立詞曲類

宋

方千里和清真詞一卷

千里信安人官舒州簽判

臣等謹案周邦彥有清真詞此集皆和邦彥所作

據毛晉跋云樂安楊澤民亦有和清真詞或合為

三英集今澤民和詞未見

李彌遜筠谿樂府一卷

彌遜見別集類

陳亮龍川詞一卷補遺一卷

亮見史類

王灼碧雞漫志一卷

灼字晦叔遂寧人

臣等謹按是編詳述曲調源流自古初至唐宋聲歌正變之由于此可見大槩

洪咨夔平齋詞一卷

咨夔見別集類

臣等謹案咨夔父名鉞號谷隱有詩名咨夔在蜀時得書數千卷父子考論諷誦詞註內所稱老人即其父也其子勲燾燾亦皆能紹其家學

李昉英文溪詞一卷

昉英見別集類

汪莘方壺詞三卷

萃見別集類

汪元量水雲詞一卷

元量見別集類

洪璚空同詞一卷

璚字叔璣自號空同詞客

沈義父樂府指迷一卷

義父字伯時爵里無考理宗時人

臣等謹案是編祇二十八條寥寥不成卷帙然其

論詞以周邦彥為宗評解頗多中理元明人之論
詞者徃徃祖其說焉

程秘洺水詞一卷

秘見別集類

劉克莊後村別調一卷

克莊見別集類

張榘芸窓詞一卷

榘字方叔南徐人

吳文英夢牕稿四卷補遺一卷

文英字君特號夢牕慶元人

趙長卿惜香樂府十卷

長卿自號仙源居士南豐人宋宗室子

黃機竹齋詩餘一卷

機字幾仲一字幾叔東陽人仕履無考

戴復古石屏詞一卷

復古見子類

黃昇散花菴詞一卷 花菴詞選二十卷

昇字叔暘號玉林又號花菴詞客

臣等謹案朱彞尊詞綜于昇未詳其里籍考胡德方詞選序稱昇與魏菊莊相交善並為閩帥所重按菊莊名慶之建安人又昇以詩受知於游九功九功建陽人是昇為閩人無疑

張炎山中白雲詞八卷 樂府指迷一卷

炎字叔夏號玉田又號樂笑翁循王五世孫家于臨

安宋亡不仕

宋伯仁煙波漁隱詞二卷

伯仁見別集類

蔣捷竹山詞一卷

捷字勝欲自號竹山宜興人德祐進士宋亡不仕

尊前集二卷

不著編輯者名氏

臣等謹案朱彞尊得明吳寬手抄是集定為宋人

編輯之本

黃大輿梅苑十卷

大輿字載萬爵里無考

臣等謹案是集所錄皆咏梅之詞起於唐代止於
南北宋集中兼採臘梅蓋二花異種同時可以附
見至兼及楊梅則務博之失矣

林正大風雅遺音二卷

正大字敬之號隨菴開禧中為嚴州學官里貫無考

周密絕妙好辭七卷

密見史類

臣等謹案是集取南宋歌詞始於張孝祥終於仇遠凡一百三十二家去取精審在曾慥樂府雅詞黃昇花菴詞選之上

樂府補題一卷

不著編輯者名氏

臣等謹案是集皆宋末遺民倡和之作

朱淑真斷腸詞一卷

淑真見別集類

臣等謹案陳振孫書錄解題載有是編世久不傳
今本為毛晉所刊其生查子一闕有月上柳梢頭
人約黃昏後句晉跋遂指為白璧微瑕然此闕見
歐陽修廬陵集中不知何以竄入晉不考正亦誣
甚矣

金

白樸天籟集二卷

樸字仁甫一字太素號蘭谷真定人金亡被薦不出

元

張翥蛻巖詞二卷

翥見別集類

陸輔之詞旨一卷

輔之見子類

蕉窓意隱詞一卷

不著撰人名氏

臣等謹案舊本題元吳琯撰琯里貫無考核其詞
皆明劉基之作蓋書賈託名售偽者

張可久小山小令二卷

可久字仲遠號小山慶元人

楊朝英朝野新聲太平樂府八卷

朝英自稱青城人仕履無考

臣等謹案是集前五卷為小令後五卷為大套凡

當時士大夫所撰及院本之佳者皆選錄之

詞品一卷

不著撰人名氏

臣等謹索是編舊題元涵虛子撰皆評論有元一代北曲人各擬以品目

周德清中原音韻二卷

德清字挺齋高安人

臣等謹索德清是編前為韻書後為附論其音韻

之例以平聲分為陰陽以入聲配隸三聲分為十
九部蓋全為北曲而作北音舒長遲重不能作收
藏短促之聲其風土使然所以作北曲者沿用至
今不改也

明

瞿佑樂府遺音五卷

佑見史類

吳子孝玉霄仙明珠集二卷

子孝字純叔長洲人嘉靖進士官至湖廣布政司參議

陳耀文花草粹編十二卷

耀文見經類

臣等謹索耀文自序稱是集因唐花間集宋草堂詩餘而作故以花草粹編為名

王九思碧山樂府五卷

九思見別集類

臣等謹案此九思所作雜曲小令也于填曲之四聲頗為合法

施紹莘花影集五卷

紹莘字子野華亭人自號峰泖浪仙

楊慎詞林萬選四卷

慎見經類

臣等謹案慎是編評註俱極疎漏所選亦雅俗雜陳毛晉跋稱嘗慕此集不得一見乃得于金沙子

李鸞疑慎原本已佚今本為後來偽託者

陳霆渚山堂詞話三卷

霆見史類

黃逢元唐詩紀十六卷

逢元字善長常州人

臣等謹案是編不以人序不以調分所列十六門
割裂無緒至以郭茂倩為元人則他可概見

王象晉秦張詩餘合璧二卷

象晉見子類

臣等謹案是書以宋秦觀淮海詞明張紘南湖詞合為一編以二人皆產于高郵也

毛晉宋名家詞六卷

晉見經類

臣等謹案是編自晏殊珠玉詞至盧炳哄堂詞共六十一家每家之後各附跋語考訂釐正亦復不少

張紘詩餘圖譜三卷附錄二卷

紘見詩集類

程明善嘯餘譜十卷

明善字若水歙縣人天啓中監生

臣等謹案明善是書總載詞曲之式以歌之源出於嘯故名嘯餘其著論殊多臆見

雍熙樂府十三卷

臣等謹案舊本題海西廣氏編不著姓名其凡例

謂聲音各應宮律原分一十七調今闕其五惟存十二調其商角般涉二調有目無詞亦脫佚也

朱權瓊林雅韻

無卷數

權見史類

彭致中鳴鶴餘音八卷

致中里貫無考

臣等謹案是編采輯唐以來羽流所著詩餘至元而止舊本題仙遊道士彭致中編考朱存理野航存

稿有此書跋以為明初人也

沈德符顧曲雜言一卷

德符見史類

沈龍綬度曲須知二卷 絃索辨訛三卷

龍綬字君徵吳江人

右詞曲

欽定續文獻通考卷一百九十八

欽定四庫全書

史部

欽定續文獻通考卷一百九十九至二百一

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百九十九

帝系考

臣等謹按馬端臨撰文獻通考帝系考凡十卷首

帝號歷年次太上皇太皇太后皇太后次后妃次

皇太子皇子次公主次皇族起自軒頊以來迄乎

有宋凡傳世享祚之延促支分派別之遠近悉著

於篇誠為考古之助然皇族卷內僅標大畧未嘗

數具命名釐其系屬猶不免疎闕今採自宋末至明代輯為續考諸準舊式惟於皇族則備稽表傳登載靡遺視馬書加詳焉又遼金元明皆無太上皇明英宗當土木之變後迎還南內雖曾尊為太上皇帝然不數年間仍然復辟本非永稱未為典要則以附入於帝號厯年門云

帝號厯年

宋孝恭懿聖皇帝諱焘度宗嫡子咸淳六年生九年封

嘉國公十年甲戌嗣立時年五歲

本紀作四歲誤

德祐二年丙

子降於元降封瀛國公在位二年端宗即位遜尊為孝

恭懿聖皇帝

改元一

德祐二

端宗皇帝昞帝昺皆度宗庶子昞初封建國公昺初封

永國公恭帝嗣位封昞吉王尋徙益王昺信王昶徙廣

王恭帝降元陳宜中陸秀夫張世傑等立昞於福州以

為宋主改元景炎封昺衛王三年戊寅昞殂在位三年

年十一歲號曰端宗又立曷為主改元祥興二年己卯

厓山兵潰陸秀夫負之投海死是年元至元十六年在位二年

九歲宋亡

改元二

景炎 景炎元年即

三 祥興

年即景

年 炎三

臣等謹按宋東都九帝起太祖建隆元年庚申止

欽宗靖康二年丁未共一百六十八年南渡九帝

起高宗建炎二年戊申止帝曷祥興二年己卯共

一百五十二年前後共三百二十年

遼太祖大聖大明神烈天皇帝姓耶律氏諱億字安巴
堅小字多爾濟契丹德呼勒部實喇伊色哩鄉耶律密
拉人德祖皇帝長子唐咸通十三年生天復元年歲辛
酉哈陶津汗立以為本部額爾奇木專征伐歲癸亥拜
裕悅總知軍國事歲丙寅十二月哈陶津汗殂羣臣奉
遺命勸進明年丁卯正月即皇帝位上尊號曰天皇帝
是為元年時年三十八至十年丙子

梁貞明二年

建元神冊

加上尊號曰大聖大明天顯元年丙戌七月崩

唐莊宗同光四

年在位二十年年五十五

帝即位九年以前未有年號十年始建元神冊

改元三

神冊

天贊

天顯

臣等謹按神冊元年歲在丙子天顯元年帝崩歲

在丙戌正史與契丹國志綱目二書相符正史不

書甲子以帝為額爾奇木在辛酉歲於丁卯歲已

即皇帝位至十年始建元推之則神冊元年為丙

子歲也但神冊正史共有六年契丹國志止有五年天

贊正史止有四年契丹國志則有六年

葉氏以丙戌為天贊六年以天

顯為太宗改元非太祖朝事

去天贊之一以補神冊而加天顯一年

故歲次相符耳今據正史書之而列其異同以備參考

太宗孝武惠文皇帝諱德光字德謹小字耀庫濟太祖

第二子唐天復二年生天贊元年授天下兵馬大元帥

天顯元年七月太祖崩皇后攝軍國事明年丁亥冬十

月人皇王倍率羣臣請於后乃即皇帝位羣臣上尊號

曰嗣聖皇帝天顯十三年十月晉使劉煦盧重上尊號
曰睿文神武法天啟運明德章信至道廣敬昭孝嗣聖
皇帝乃改元至大同元年丁未二月

北漢高祖天福十二年 改國

號大遼是年四月崩在位二十一年年四十

六

帝初即位羣臣請改元不許仍以天顯紀年至十三
年始改元

改元二

會同大同
九一

臣等謹按正史天顯為太祖年號太宗仍之至十

三年十一月始改為會同元年共九年又改大同

以太祖天顯元年丙戌數之則大同元年為丁未

也契丹國志云丙戌歲即位丁亥改元天顯丁酉

改元會同會同十一年丁未夏四月崩歲次相符

而年號大異又考綱目天福二年丁酉書契丹改

號遼

國志同

改元會同明年戊戌書晉遣使上尊號

是改元在前上尊號在後也正史云天顯十三年

十一月晉遣使上尊號大赦改元會同大同元年
二月朔建國號大遼改元大同與綱目不符豈綱
目天福二年所書或有誤乎

世宗孝和莊憲皇帝諱阮小字烏雲太祖之孫讓國皇
帝長子太宗愛之如子大同元年封永康王太宗崩即
位綱目書自
立為帝羣臣上尊號曰天授皇帝天祿五年辛亥

九月周太祖廣
順元年自將南伐祭讓國皇帝於行宮羣臣皆

醉察克反帝遇弑在位五年年三十四

改元一

天祿

天祿元年即
大同元年

契丹國志曰太宗崩後燕王趙延壽恨太宗負許
伐中國之約引兵入恒州帝領兵繼入遼諸將密
議奉帝帝乃以計鎖延壽而自立以太宗有子在
國已以兄子襲位又無舒嚕太后之命內不自安
太后聞帝立發兵拒之

又曰帝引兵會北漢主與酋長議於九十九泉諸
部皆不欲南帝強之行至新州之火神淀燕王述

乾等率兵作亂弑帝而述乾自立齊王舒魯逃於南山大臣奉之以攻述乾等殺之立舒魯為帝

臣等謹按正史云帝即位即改大同元年為天祿

故天祿共五年契丹國志云即位之年猶稱會同

明年戊申改天祿故止四年也

前後俱無大同年號

綱目於

丁未年六月即書契丹改元天祿與史同

穆宗孝安敬正皇帝諱璟小字舒魯

契丹國志曰後更名明

太宗

長子會同二年封壽安王世宗遇害察克等伏誅乃即

位羣臣上尊號曰天順皇帝應歷十九年己巳三月

宋太

祖開寶二年

近侍霄格盥人華格庖人錫衮等反遇弑在位

十九年年三十九

改元一

應歷十九

應歷元年即天祿五年

臣等謹按正史帝遇弑在十九年二月是年為宋

太祖開寶二年己巳綱目亦書之契丹國志則作

十八年秋九月

註云宋太祖開寶改元

附錄備考

景宗孝成康靖皇帝諱賢字賢寧小字明宸世宗第二

子穆宗遇害羣臣勸進遂即位上尊號曰天贊皇帝乾

亨四年壬午九月

宋太平興國七年

崩在位十四年三十五

改元二

保寧

乾亨

保寧元年即應曆十九年

臣等謹按正史保寧十年乾亨四年其改元時當

在保寧十一年冬至即改本年為乾亨也契丹國

志保寧止有六年乾亨則有九年較正史多一年

矣志中並不載崩於何月頗為疎漏今皆以正史

為據

聖宗文武大孝宣皇帝諱隆緒小字文珠努景宗長子

乾亨二年封梁王四年景宗崩即位時年十二初上尊

號曰昭聖皇帝繼上尊號曰天輔皇帝開泰元年加上

尊號曰弘文武尊道至德宗仁廣孝聰睿昭聖神贊

天輔皇帝太平元年又加尊號曰睿文英武遵

此遵字當誤

道至德宗仁廣孝功成治定昭聖神贊天輔皇帝太平

十一年辛未崩

宋天聖九年

在位四十九年年六十一

改元三

統和二十九

開泰九

太平十一

臣等謹按契丹國志統和三十一年始改開泰帝崩於太平十年無十一年與正史小異合之皆得在位四十九年則相同也

興宗神聖孝章皇帝諱宗真字雅布濟小字濟古爾

契丹國志

曰名珠巴克

聖宗長子三歲封梁王太平元年冊為皇太子

十一年聖宗崩即位時年十六重熙元年羣臣上尊號

曰文武仁聖昭孝皇帝重熙十一年

王圻續通考作十年誤

加上

尊號曰聰文聖武英畧神功睿哲仁孝皇帝二十三年

王圻續通考
作二十年誤
加上尊號曰欽天奉道祐世興歷武定文

成聖神仁孝皇帝二十四年乙未崩
宋至和在位二十二年

五年年四十

改元二

景福
重熙二
十四
景福元年即
太平十一年

道宗孝文皇帝諱洪基字納琳小字扎拉興宗長子六

歲封梁王進封燕趙國王重熙二十一年為天下兵馬

大元帥預朝政二十四年興宗崩即位清寧二年羣臣

上尊號曰天祐皇帝咸雍元年加上尊號曰聖文神武

全功大畧廣智聰仁睿孝天祐皇帝壽隆七年辛巳崩

宋建中靖國元年 在位四十七年年七十

改元五

清寧

咸雍

太康

大安

壽隆

清寧

元并即重熙二十四年

臣等謹按契丹國志道宗清寧十年咸雍三十年

無太康大安二年號壽隆作壽昌止六年無七年

據云帝崩於六年時為宋元符三年今考續綱目

於建中靖國元年書道宗崩是年為元符三年之

次年壽隆固當有七年矣

天祚皇帝諱延禧字延寧小字阿古道宗之孫順宗之子太康元年生六歲封梁王後進封燕王大安七年為天下兵馬大元帥道宗崩奉遺詔即位羣臣上尊號曰天祚皇帝乾統三年加上尊號曰惠文智武聖孝天祚皇帝保大五年乙巳宋宣和七年為金人完顏羅索等所獲降封海濱王以疾終在位二十五年年五十四

改元三

乾統

大慶

保大

乾統元年即

壽隆七年

右遼帝九人太祖神冊以前未建元太宗會同以前仍天顯年號自世宗以下諸帝惟聖宗即位踰年始改統和餘皆未踰年而即改元者也起太祖

元年丁卯

丙寅冬十二月勸進丁卯正月始行即位禮

止天祚保大五

年乙巳

凡諸帝嗣位之事皆與綱目所書甲子相符

共二百十九年契

丹國志作起神冊元年丙子止保大四年甲辰共二百十五年誤王圻續通考以保大五年為甲辰亦誤契丹國志曰太祖稱帝國號大契丹太宗改

元會同國號改遼聖宗開泰改元復改國號大契丹道宗咸雍二年復改國號大遼

附錄

本紀曰耶律淳者世號為北遼小字聶呼興

宗第四孫保大二年天祚入夾山奚王和勒博林牙耶律達實等立淳為帝上尊號曰天錫皇帝改元

建福

綱目作天福疑誤

降天祚為湘陰王淳未幾病死年

六十偽謚曰孝章皇帝廟號宣宗遺命遙立秦王定以存杜稷淳妻德妃為皇太后稱制改元德興

金兵大至德妃奔天德軍見天祚天祚怒誅德妃
降淳庶人耶律雅里者天祚第二子也字薩蘭保
大三年天祚渡河奔夏隊帥耶律迪里等刼雅里
北走共立為主遂即位改元神應後以疾卒年三
十耶律達實者世號為西遼字重德太祖八代孫
也保大二年天祚播越達實與諸臣立淳為帝及
天祚誅德妃達實不自安遂自立為王宵遁北行
得精兵萬餘整旅而西假道回鶻西至大食兵行

萬里歸者數國以甲辰歲二月即帝位年三十八
號格呼汗復上漢尊號曰天祐皇帝改元延慶後
三年班師東歸行二十日得善地遂建都城號和
斯鄂爾多改元康國在位二十年歿廟號德宗子
伊蘭年幼遺命皇后權國后名塔布延號感天皇
后稱制改元咸清在位七年子伊蘭即位改元紹
興在位十三年歿廟號仁宗子幼遺詔以妹富僧
額權國稱制改元崇福號承天太后在位十四年

為愛實拉所殺仁宗次子珠勒呼即位改元天禧
在位三十四年為蠻王庫楚類所擒而襲其位珠
勒呼死遼絕自達實自立建號萬里之外雖寡母
弱子更繼迭承幾九十年

臣等謹按淳與雅里史贊所謂名不正言不順事
不成者也達寔擅立苟延自雄絕域然皆遼之支
屬未嘗不履帝位建鴻號故節錄紀文附載於此
又按王圻續通考凡追尊為帝者皆附載諸帝之

後今以雖崇帝號並無歷年載入殊不相稱故仍
詳載於皇子門

金太祖應乾興運昭德定功仁明莊孝大聖武元皇帝
諱旻本諱阿古達其先為靺鞨氏附屬於遼號女真後

號女直

明史云避遼
興宗諱故改

始祖居完顏部遂以為氏帝為世

祖第二子遼咸雍四年生歲癸巳帝兄康宗即世甲午

遼使帝襲節度使是年舉兵伐遼大勝之收國元年乙

未正月朔

宋徽宗政和五年
遼天祚天慶五年

即皇帝位建國號曰金二

年十二月羣臣上尊號曰大聖皇帝天輔七年癸卯八

月崩

宋徽宗宣和五年

在位九年年五十六初謚武元皇帝皇

統五年增謚

改元二

收國二

天輔七

金史太祖紀曰帝曰遼以賓鐵為號取其堅也賓

鐵雖堅終亦變壞惟金不變不壞金之色白完顏

部色尚白故號大金

太宗體元應運世德昭功哲惠仁聖文烈皇帝諱晟本

諱烏奇邁世祖第四子太祖母弟遼太康元年生太祖
收國元年命為安班貝勒天輔五年詔貳國政七年
太祖崩即皇帝位天會十三年乙卯崩宋高宗紹興五年在位
十三年年六十一初謚文烈皇帝皇統五年增謚

改元一

天會
十三 天會元年即
天輔七年

熙宗弘基續武莊靖孝成皇帝諱亶本諱哈喇太祖之
孫景宣皇帝之子天輔三年生天會十年命為安班
貝勒十三年太宗崩即皇帝位皇統元年羣臣上尊號

曰崇天體道欽明文武聖德皇帝九年己巳十二月

宋紹

興二為平章政事亮等所弒在位十五年三十一降

十年

為東昏王世宗大定初追謚武靈皇帝廟號閔宗十九年增謚二十七年改號熙宗

帝初即位仍稱天會年號至十五年十二月始詔改明年為天眷

改元二

天眷
三
皇統
九

熙宗本紀曰天會八年安班貝勒果薨太宗意

久未決宗幹宗翰以哈喇先帝嫡孫當立請之再三迺許之安班貝勒者太宗嘗居是官及登大位以命弟果故定議為儲嗣者以是命焉

海陵本紀曰熙宗以太祖嫡孫嗣位亮意以為宗幹太祖長子而已亦太祖孫遂懷覬覦蕭裕揣知其意因勸舉大事

廢帝海陵庶人諱亮字元功本諱都尔古訥遼王宗幹第二子天輔六年生皇統八年拜平章政事右丞相九年

弑熙宗而自立天德二年上尊號曰法天膺運睿武宣

文大明聖孝皇帝尋詔去之正隆元年上尊號曰聖文

神武皇帝六年辛巳宋紹興三十一年自將兵伐宋兵馬都統

制完顏元宜反遇弑在位十三年年四十世宗大定二

年降封海陵王諡曰煬二十年降為海陵庶人

改元三

天德 貞元 正隆 天德元年即
四 三 六 皇統九年

世宗光天興運文德武功聖明仁孝皇帝諱雍本諱烏

魯太祖之孫睿宗之子天輔七年生皇統間封葛王正

隆三年封曹國公留守東京六年官屬諸軍勸進即皇帝位大定初羣臣上尊號曰仁明聖孝皇帝五年加上尊號曰應天興祚仁德聖孝十一年又加曰欽文廣武二十九年己酉崩

宋淳熙十六年

在位二十九年年六十七

改元一

大定二十九

大定元年即正隆六年

章宗憲天光運仁文義武神聖英孝皇帝諱璟小字瑪達格世宗之孫顯宗之子大定八年生十八年封金源郡王二十五年進封原王二十六年詔立為皇太孫二

十八年攝政世宗崩即皇帝位泰和八年戊辰十一月

崩宋嘉定二年在位十九年年四十一

改元三

明昌 永安 太和
六 五 八

衛紹王諱永濟更諱允濟小字興勝世宗第七子大定

十一年封滕王章宗時進封衛王章宗崩無繼嗣平章

政事完顏匡等定策傳遺詔立為帝至寧元年癸酉為

呼沙呼所弑

宋嘉定六年

在位五年宣宗即位降封東海郡

王貞祐四年詔追復衛王謚曰紹

改元三

大安

崇寧

至寧

宣宗繼天興統述道勤仁英武聖孝皇帝諱珣又賜名從嘉本名烏達布顯宗長子大定三年生初封溫國公泰和八年進封邢王昇王衛紹王被弑圖克坦銘等迎立之乃即皇帝位元光二年癸未十二月崩

宋嘉定十六年 在位

十一年年六十有一

改元三

貞祐

興定

元光

貞祐元年即
至寧元年

哀宗諱守緒初諱守禮又諱寧嘉蘇宣宗第三子承安

三年生宣宗即位封遂王貞祐四年以皇太子守忠皇
孫鏗相繼薨乃立守禮為皇太子宣宗崩即皇帝位天
興三年甲午宋理宗端平元年宋元兵入傳位於宗室子承麟
帝自縊於幽蘭軒城潰諸禁近舉火焚之在位十一年
年三十七

改元三

正大

開興

天興

臣等謹按天興元年即正大九年也是年正月改
元開興四月又改元天興

又按哀宗傳位於東面元帥宗室子承麟世祖和里布之後也即皇帝位是為末帝稱賀方畢而城已潰遂為亂兵所害此不成乎君者也故不書

右金帝九人起太祖收國元年乙未終哀宗天興三年甲午共一百二十年

元太祖法天啟運聖武皇帝姓却特氏諱特穆津蒙

古部人父為烈祖諱伊蘇克依歲丙寅

宋開禧二年
金太和六年

即皇

帝位於鄂諾河之源是為元年諸王羣臣共上尊號曰

青吉斯皇帝二十二年丁亥崩

宋寶慶三年在位二十

二年年六十六

太祖二十二年為丁亥太宗元年為己丑其中戊子

一年皇子圖類監國

太宗英文皇帝諱諤格台太祖第三子太祖崩後歲己

丑

宋紹定二年金正大六年

以太祖遺詔即位六年甲午減金十三

年辛丑崩

宋淳祐元年

在位十三年年五十有六

歲辛丑太宗崩壬寅春太皇后劄瑪錦氏稱制起壬

寅止乙巳凡四年

定宗簡平皇帝諱庫裕克太宗長子太祖元年生太宗崩

帝母六皇后魯瑪錦氏臨朝至丙午秋七月

宋淳祐六年會

諸王百官議立帝始即皇帝位三年戊申崩

宋淳祐八年在

位三年年四十有三

帝崩於戊申三月至庚戌年猶未議所立國中無君

者三歲

憲宗桓肅皇帝諱莽賚扣太祖之孫睿宗之長子太祖三

年生太宗在潛邸養以為子定宗崩後久未立君辛亥

夏

宋淳祐十一年

羣臣共推即皇帝位九年己未崩

宋開慶元年

在

位九年年五十有二

以上諸帝俱未建元

世祖聖德神功文武皇帝諱呼必賚太祖之孫睿宗第

四子憲宗同母弟太祖十年生憲宗八年冬命帝伐宋

九年九月師次江北知憲宗山問中統元年庚申

宋景定元年

年春三月還至開平諸王大臣勸進即皇帝位至元八

年辛未建國號曰大元十六年己卯滅宋二十一年羣臣上尊號曰憲天述道仁文義武大孝光皇帝三十一年甲午崩在位三十五年八十國語曰色辰皇帝

建元二

中統
四
至元三
十一

至元八年建國號詔曰誕膺景命必有美名唐之為言蕩也堯以之而著稱虞之為言樂也舜因之而作號馴至禹興而湯造互名夏大以殷中世降

以還事殊非古為秦為漢著從初起之地名曰隋
曰唐因即所封之爵邑槩以至公不無少貶我太
祖聖武皇帝握乾符而起朔土以神武而膺帝圖
號曰大元取易經乾元之義茲大治流形於庶品
孰名資始之功予一人咸寧於萬邦尤切體仁之
要

臣等謹按世祖至元十二年十二月丞相呼圖克岱
爾與百寮請上尊號不許是則上尊號之事遲至

二十一年而始許之也

成宗欽明廣孝皇帝諱特穆津世祖之孫裕宗第三子
至元二年生三十年受皇太子寶世祖崩即皇帝位大
德十一年丁未崩在位十有三年年四十有二國語曰
鄂勒哲圖皇帝

改元二

元貞
大德
二
十一

武宗仁惠宣孝皇帝諱哈尚世祖曾孫順宗長子至元
十八年生大德八年封懷寧王成宗崩無子帝總兵北

邊左丞相阿固岱等潛謀推成宗皇后巴約特氏稱

制安西王阿南達

后妃傳作阿南達寔哩

輔之帝弟仁宗與太

后塔濟定計誅阿固岱等遣使迎帝即皇帝位至大

二年羣臣上尊號曰統天繼聖欽文英武大章孝皇

帝四年辛亥崩在位五年年三十一國語曰庫魯克

皇帝

武宗紀曰成宗違豫日久政出中宮

成宗后布爾罕

命仁

宗與皇太后

順宗妃塔濟

出居懷州及仁宗聞計與太

后俱至京師安西王阿南達先至左丞相阿固岱
平章巴特瑪琳沁等潛謀推成宗后稱制阿南達輔
之仁宗言於太后曰大行晏駕德壽已薨

德壽成宗皇太

子諸王皆疎屬而懷寧王在朔方此輩變在朝夕
不若先事而發遂定計誅阿固岱等即遣使迎帝

改元一

至大
四

仁宗聖文欽孝皇帝諱阿裕爾巴里巴特喇順宗次子武
宗之弟至元二十二年生武宗即位詔立帝為皇太子

武宗崩即皇帝位延祐七年庚申崩在位九年年三十
有六國語曰布延圖皇帝

改元二

皇慶
延祐

英宗睿聖文孝皇帝諱碩迪巴拉仁宗嫡子大德七年
生延祐三年立為皇太子仁宗崩即位至治元年十一
月羣臣上尊號曰繼天體道敬文仁武大昭孝皇帝至
治三年癸亥為齊勤特穆爾所弑在位三年年二
十一國語曰格根皇帝

改元一

三 至治

泰定皇帝諱伊蘇特穆爾顯宗長子至元十三年生大德六年襲封晉王英宗遇弒諸王諳達布哈及額森特穆爾奉璽綬迎帝即位致和元年戊辰崩在位五年年三十六帝雖裕宗長孫以自立故文宗不為立廟謚止稱為泰定帝

改元二

四 泰定
元 致和

王禕曰武宗以兄弟相及約繼世子孫迭居大位

而仁宗惑於儉言不踐宿諾傳位英宗乃使武宗
二子明宗文宗出居於外及英宗遇弒而明宗在
北文宗在南晉邸乘間入繼大統或謂晉邸非所
宜立雖然晉王於世祖孫也於次為長雖守藩服
嘗有盟書今國統之不繼則求所當立者舍晉王
之系將誰屬耶然則謂晉王非所宜立亦過也舊
傳英宗之弒晉邸與聞焉故其歿不舉請謚升祔
之典明其為賊也然考之寶錄皆不得其實

明宗翼獻景孝皇帝諱和實拉武宗長子大德四年生
仁宗時封周王出鎮雲南未就鎮西行至北邊及泰定
帝崩帝弟文宗先立遣使至北迎帝帝南還即位於和
寧之北文宗天歷二年己巳八月次翁果察圖之地暴
崩年三十國語曰呼土克圖皇帝

明宗紀曰成宗命武宗撫軍北邊成宗崩武宗入
繼大統立仁宗為皇太子命以次傳於帝及仁宗
時丞相特們德爾議立英宗為皇太子又譖帝於

兩宮於是封帝為周王出鎮雲南遣就鎮是年冬

帝次延安圖古勒尚嘉努博囉嘉琿

皆周王常及
侍府官屬

武宗舊臣皆以出鎮之事由左右構間請以其故

白行省俾聞之朝廷遂與數騎馳去先是阿斯罕

出為陝西行省丞相及嘉琿等至即與平章政事

塔齊爾行臺御史大夫圖魯卜中丞托歡發關中

兵分道自潼關河中府入已而塔齊爾托歡襲殺

阿斯罕嘉琿於河中帝遂西行至北邊金山西北

諸王察克台等聞帝至咸率衆來附至泰定帝立
帝弟圖卜特穆爾亦以懷王出居建康及泰定崩於
上都都爾蘇專權自用踰月不立君朝野疑懼時
僉樞密院事雅克特穆爾留守京師遂謀舉義召集
百官號於衆曰武皇有聖子二人當迎立之時帝
方遠在沙漠猝莫能至乃迎帝弟懷王於江陵且
宣言已遣使北迎以安衆心懷王入京師羣臣請
正大統固讓不得乃即位是為文宗改元天厯詔

天下曰謹俟大兄之至遂朕固讓之心時都爾蘇
在上都立泰定子阿爾濟雅巴為帝改元天順遣兵
犯大都戰屢敗都爾蘇乃奉皇帝寶出降兩京道
路始通文宗乃遣使迎帝諸王皆勸帝南還遂發
北邊天厯二年正月文宗復遣使見帝於行幄以
文宗命勸進帝即位於和寧之北四月立文宗為
皇太子八月乙酉朔帝次翁果察圖之地丙戌皇
太子入見庚寅帝崩己亥皇太子復即位

文宗聖明元孝皇帝諱圖卜特穆爾武宗次子明宗之弟
大德八年生至治元年英宗出帝居於海南泰定初召
還京師封懷王二年又命出居建康致和元年遷江陵
泰定帝崩雅克特穆爾迎帝至京師即位其明年帝兄明
宗即位封帝為皇太子明宗崩帝復即位至順元年羣
臣上尊號曰欽天統聖至德誠功大文孝皇帝至順三
年壬申八月崩在位五年年二十有九國語曰濟雅圖
皇帝

改元二

二 天曆

三 至順

致和元年即
天曆元年即

順帝本紀至元六年六月詔曰昔皇祖武宗升遐
之後祖母太皇太后惑於憊憊俾皇考明宗皇帝
出封雲南英宗遇害正統寢偏皇考以武宗之嫡
逃居朔漠宗王大臣以地近先迎文宗暫總機務
繼假讓位之名以寶璽來上皇考推誠不疑即授
以皇太子寶文宗當躬迓之際與其臣伊魯布哈
阿哩雅明埒棟阿等謀為不軌使我皇考飲恨上

賓又私圖傳子乃構邪言嫁禍於班布爾寶皇后謂朕非明宗子遂俾出居遐陬內懷愧慊則殺阿哩雅以杜口上天不祐隨降殞罰永惟鞠育罔極之恩忍忘不共戴天之義其命太常撤去圖卜特穆爾在廟之主

邱濬曰按順帝紀至元六年詔則文宗弑逆明矣史以暴卒書何夫弑逆大罪也非真無毫髮之疑何可輕加哉考文宗崩有子雅克特古斯其後舍已

子而立明宗之子寧宗繼又迎寧宗之兄而立之
設使文宗果有弑逆之舉后獨不慮立所害之人
之子報讐於我乎使已無子不得已尚求諸他况
已有子乎當時同事雅克特穆爾輩亦不慮及此何
哉意必順帝憾文宗謂已非明宗子出於外欲逞
其憾或者遂從而構之耶然則文宗謂順帝非明
宗子是歟曰順帝生朔漠之外其事之真偽不可
知若謂其為瀛國公之子則不敢信也

臣等謹按明宗之崩元史本紀止云帝暴崩未嘗明言其為文宗所弑也乃事涉暗昧羣疑繁興如胡粹中則曰聞之故老言明宗次翁果察圖雅克特穆爾奉上璽綬明宗從官有不為之禮者雅克特穆爾且怒且懼既而帝暴崩雅克特穆爾聞哭聲即奔入帳中取寶璽扶文宗上馬南馳正史乃言皇太子入哭盡哀雅克特穆爾以皇后班布爾實命奉皇帝寶授於太子其說不合豈當時忌諱不敢明言歟

明初權衡作庚申帝大事記曰文宗疾大漸召后
太子大臣曰翁果察圖之事朕生平大錯我死迎
立托歡特穆爾庶可見明宗於地下雅克特穆爾不
可請立寧宗不踰月即崩久之乃奉太后詔迎托
歡特穆爾於靜江此皆與順帝詔書所謂文宗稔
惡不悛使我皇考飲恨上賓者相合由是而文宗
弑兄之名千古無以自解續通鑑綱目書法亦隱
然以篡弑為實惟王圻續通考所載邱濬語尚有

不敢過信者蓋明宗文宗本紀皆無定據與其過而信也不如闕疑之為愈矣

寧宗冲聖嗣孝皇帝諱伊埒哲伯明宗第二子天歷二年封廊王文宗崩皇后導揚末命申固讓初志

謂文宗固讓大

位之傳位於帝至順三年壬申十月即皇帝位十一月

崩年七歲

順帝名托歡特穆爾明宗長子延祐七年生帝於北方文宗至順元年徙帝高麗居大青島復詔天下言明宗

在朔漠之時素謂非其已子移於廣西之靜江寧宗崩

文宗后命使迎帝次年癸酉六月

是年本紀尚稱至順四年十月始改元統

即皇帝位至正二十八年戊申明兵逼京城帝北奔後

二年殂於應昌在位三十六年年五十一明太祖以帝

知順天命退避而去號曰順帝

改元三

元統至正二
六十八

順帝紀曰文宗崩雅克特穆爾請文宗后立太子雅

克特古斯后不從而立寧宗寧宗崩雅克特穆爾復請

立雅克特古斯文宗后曰吾子尚幼托歡特穆爾在
廣西今年十三矣且明宗之長子禮當立之乃迎
帝雅克特穆爾見帝並馬徐行且陳迎立之意帝畏
之一無所答雅克特穆爾疑之故久不得立太史亦
言帝不可立立則天下亂故遷延者數月俄而雅
克特穆爾死后乃定議立帝

臣等謹按始謂順帝非明宗子者文宗復即位至
順元年之詔也謂私圖傳子乃構邪言嫁禍於班

布爾實皇后謂朕非明帝子者順帝至元六年之詔也其謂為瀛國公子者庚申帝記之作於明初權衡者也至順之詔既顯誣之而不諱至元之詔自不得不直辨之以自明綸綍所宣昭著海寓民間傳播既久好事者從而傳會增益舉其人以實之此稗官者流陰挾翰墨以快己意乃不經之尤苟採擇之以惑觀聽無識甚矣是不可以不為之辨以正野史之謬

右元帝十四人起太祖元年丙寅止順帝至正二十八年戊申共一百六十三年起世祖至元十七年庚辰前一年為宋帝昺祥興二年止順帝至正二十八年戊申共八十九年

歷代建元考曰順帝駐應昌一年而殂國人謚曰惠宗太子阿裕實哩達喇嗣立改元宣光稱北元凡十一年謚曰昭宗高麗史云昭宗改元宣光時洪武十年也明年斗察剌特穆爾立改元天元

朔漠圖考云洪武元年八月元主攜歷代傳國璽遁出塞三年殂於應昌太子稱帝於漠北傳位於子特古斯特穆爾後為其下伊蘇岱爾所弑其臣復立袞特穆爾建文三年殂以果勒齊為汗永樂改元遣書招諭不服八年車駕親征十二年再征二十年三征會部長阿魯台弑其主布尼雅寔哩而自立數侵塞上至宣德九年為斡拉部所敗阿魯台走死部落盡離散斡拉乃遣使入朝獻傳國

璽而北元始亡

明太祖開天行道肇紀立極大聖至神仁文義武俊德
成功高皇帝姓朱氏諱元璋先世家潯後居濠州之鍾
離元至正十二年時帝年二十四從郭子興起兵二十
四年自立為吳王二十六年以明年為吳元年十八年
戊申相國李善長率百官勸進即皇帝位定有天下之
號曰明建元洪武至洪武三十一年戊辰崩在位三十
一年年七十有一惠帝即位謚曰高皇帝成祖永樂元

年改謚神聖文武欽明啟運俊德成功統天大孝高皇帝世宗嘉靖十七年定謚

建元一

洪武三十一

恭閔惠皇帝諱允炆太祖孫懿文太子第二子洪武二十五年皇太子薨立帝為皇太孫太祖崩即位建文四年壬午六月燕王兵入京師宮中火帝不知所終在位四年

改元一

建文四

臣等謹按建文四年七月成祖即位革建文年號
仍以本年為洪武三十五年至神宗萬曆二十三
年始詔復年號然終明之世雖以諸臣請加廟謚
曾下部議而上下因循迄不果行

大清乾隆元年詔議定謚

本朝之優崇先代固千古所未有也

又按金川門之變實錄稱帝闔宮自焚中使出其
屍於火越七日備禮葬之而遜國羣書多云由地

道出亡其指為帝屍者乃帝之馬后也正統時帝
復歸京師大內久而後殂葬西山谷應泰紀事本
末備書之矣然後之精於考核者皆斥之而不敢
信考王世貞曰出亡與否未可知即果出亡必當
滅跡以終所以有此紛紛者皆緣正統五年楊行
祥事誤之也顧起元曰遜位之事自鄭曉薛應旂
皆以為然余考之西山不封不樹之說毫無髣髴
若果有葬所洪熙而後禁網已弛何無一人志其

處者且靖難師至日捕官搜奸爬梳亡遺當時
誰敢指后屍以誑此兩說者存疑焉可也蓋當
兵火擾攘之中而謂易服潛遯事出奇詭不可
輕信革除之際一切野史所錄舉未可據以為
實今

御定通鑑綱目三編直書不知所終以之垂示萬世尤
得春秋傳疑之意云爾

成祖啟天弘道高明肇運聖武神功純仁至孝文皇

帝諱棣太祖第四子洪武三年封燕王建文元年七月舉兵反以靖難為名四年壬午入京師自立為帝永樂二十二年甲辰北征至榆木川崩在位二十二年年六十有五上尊謚曰太宗體天弘道高明廣運聖武神功純仁至孝文皇帝嘉靖十七年定謚號曰成祖

改元一

永樂二十

臣等謹按王世貞弇州史料曰世宗欲罷太宗

之配天而宗祀獻帝於明堂以配上帝故更號
成祖

仁宗敬天體道純誠至德弘文欽武章聖達孝昭皇帝
諱高熾成祖長子洪武二十八年冊為燕世子永樂二
年立為皇太子成祖數北征命之監國成祖崩即位洪
熙元年乙巳崩在位一年年四十有八

改元一

洪熙
元

宣宗憲天崇道英明神聖欽文昭武寬仁純孝章皇帝

諱瞻基仁宗長子永樂九年立為皇太孫仁宗初立為
皇太子仁宗崩即位宣德十年乙卯崩在位十年年三
十有八

改元一

宣德
十

英宗法天立道仁明誠敬昭文憲武至德廣孝睿皇帝
諱祁鎮宣宗長子宣德三年立為皇太子宣宗崩即位
正統十四年親征斡拉次土木師潰也先以帝北去景
帝即位遥尊為太上皇帝景泰元年至自斡拉入居南

宮景泰八年正月景帝有疾石亨徐有貞等迎太上皇
帝復位天順八年甲申崩前後在位二十二年年三十
有八

改元二

正統
十四

天順
八

天順元年即
景泰八年

通鑑綱目三編曰景帝不豫廷臣請立太子不報
及將南郊召石亨攝祀事亨與張軌楊善及太監
曹吉祥等謀立太子不如復上皇以告許彬共圖
之徐有貞有貞大喜曰此不世功也至辛巳夜時

方有邊警有貞令軌以備非常為名納兵長安門外起四鼓啟門納之薄南宮城毀門入奉太上皇帝至奉天門陞座時百官以景帝將視朝咸待漏闕下忽聞南城呼譟震地咸失色須臾有貞出號於衆曰太上皇復位矣

恭仁康定景皇帝諱祁鈺宣宗次子英宗即位封為郕王正統十四年八月英宗北狩皇太后命郕王監國九月命即皇帝位天順元年己丑仍廢為郕王尋崩在位

八年年三十謚為成侯王憲宗成化十一年詔復皇帝號上尊謚

改元一

景泰

八年正月
即改天順

綱目三編曰初荊州訓導高瑤上言追加景帝廟號章下廷臣議久不次遂寢其後御史楊守隨亦請改謚下廷議大學士商輅極言當復至成化十一年十二月乃下詔曰朕叔郕王踐祚戡亂保邦奸臣讒構請去帝號先帝尋知誣枉深懷悔恨以

次折奸於法不幸上賓未及舉正朕敦念親親用
成先志郕王可仍舊皇帝號尋上尊謚曰恭仁康
定景皇帝

臣等謹按天順時欽天監請革除景泰年號不從
憲宗時雖復帝號而其後景帝實錄仍書郕戾王
附於英宗實錄之後神宗萬厯十六年詔令改正
而上下因循詔勅多不奉行終明之世卒未改也

憲宗繼天凝道誠明仁敬崇文肅武宏德聖孝純皇帝

諱見深英宗長子英宗留韓拉皇太后命立為皇太子
景泰三年廢為沂王英宗復位仍立為皇太子英宗崩
即位成化二十三年丁未崩在位二十三年年四十有

一

改元一

成化二
十三

孝宗達天明道純誠中正聖文神武至仁大德敬皇帝
諱祐樞憲宗第三子成化十一年立為皇太子憲宗崩
即位弘治十八年乙丑崩在位十八年年三十有六

改元一

弘治十八

武宗承天達道英肅睿哲昭德顯功弘文思孝毅皇帝
諱厚照孝宗長子弘治五年立為皇太子孝宗崩即位
正德十六年辛巳崩於豹房在位十六年年三十有一

改元一

正德十六

世宗欽天履道英毅神聖宣文廣武洪仁大孝肅皇帝
諱厚熹憲宗之孫興獻王之長子嗣封興王於武宗為
從弟武宗崩楊廷和定策啟皇太后以遺詔迎立之嘉

靖四十五年丙寅崩在位四十五年年六十

改元一

嘉靖四十五

穆宗契天隆道淵懿寬仁顯文光武純德弘孝莊皇帝
諱載堦世宗第三子嘉靖十八年封裕王世宗崩即位
隆慶六年壬申崩在位六年三十有六

改元一

隆慶六

神宗範天合道哲肅敦簡光文章武安仁止孝顯皇帝
諱翊鈞穆宗第三子隆慶二年立為皇太子穆宗崩即

位萬曆四十八年庚申七月崩在位四十八年年五十
有六

改元一

萬曆四十八

光宗崇天契道英睿恭純憲文景武淵仁懿孝貞皇帝

諱常洛神宗長子萬曆二十九年立為皇太子神宗崩

即位泰昌元年九月朔崩

是年即萬曆四十八年因光宗立未踰年故以七月以前

為萬曆八月以後為泰昌元年年三十有九

改元一

泰昌元年即萬曆四十八年

臣等謹按光宗疾大漸鴻臚寺丞李可灼以紅丸
進帝服一丸覺暖潤舒暢復進一丸明日崩閣臣
方從哲擬旨賞李可灼銀五十兩御史王安舜首
爭之乃改票醵俸紅丸之案遂與梃擊移宮列成
三案終明之世奸黨借以荼毒清流者多由於此
熹宗達天闡道敦孝篤友章文襄武靖穆莊勤愍皇帝
諱由校光宗長子光宗崩即位天啟七年丁卯崩在位
七年年二十三

改元一

天啟
七

莊烈愍皇帝諱由檢光宗第五子天啟二年封信王熹
宗崩即位崇禎十七年甲申三月李自成陷京師帝崩
在位十七年年三十有五明亡是年我

大清兵破賊

世祖章皇帝定鼎京師始定帝謚號

改元一

崇禎
十七

右明十五帝起太祖洪武元年戊申止愍帝崇

禎十七年甲申凡二百五十七年

欽定續文獻通考卷一百九十九